

Organisashon trayekto sistema sosial duradero i pagabel	
Kòrsou	
Reformanan ekonómiko	
Lo logra yega na un sistema di siguridat sosial ku tin un funshon di aktivashon, ku insentivonan adekuá, kaminda ademas lo garantisá un reda sosial adekuá. A base di investigashonnan eksistente i/òf adishonal, lo desaroyá i implementá proposishonnan. Esaki lo tuma lugá relashoná ku e medidanan di reforma di e merkado laboral.	
Motibu	Finansiamentu duradero di e sistema sosial di Kòrsou (seguronan sosial, servisionan sosial i e sistema di kuido) ta bou di preshon. Ku e proyekto aki ta pone pasonan pa garantisá ku e sistema ta keda pagabel riba término kòrtiku i largu.
Ophetivo	Garantisá ku e sistema ta keda pagabel riba término kòrtiku i largu. Tin atenshon pa aktivá e sistema ku e insentivonan i fasilidatnan korekto pa partisipashon laboral den e ekonomia formal. Tambe tin bista pa kuido bon i pagabel pa habitantenan di Kòrsou i un bon reda sosial.
Enkargo	Lo hasi investigashon nobo (sea interno òf eksterno) pa haña formanan pa garantisá ku e sistema ta keda pagabel riba término kòrtiku i largu. Despues di inventarisashon di opshon di maneho lo implementá medidanan.
Akshon ku a skohe p'e	E trayekto ta konstituí di tres grupo di trabou. E grupo di trabou 'Reforma seguronan sosial', e grupo di trabou 'Reforma servisionan sosial' i e grupo di trabou 'Medidanan SVB'.  E gruponan di trabou Seguronan sosial i Servisionan sosial ta enfoká riba finansiamentu duradero riba término largu. Ademas den e grupo di proyekto servisionan sosial tambe ta presta atenshon na organisashon adekuá di e reda sosial i posibel medidanan riba korto plaso pa mehorá e reda sosial. Tambe tin atenshon pa medidanan riba término kòrtiku ku e grupo di trabou medidanan SVB tin atenshon pa medidanan ku riba término kòrtiku ya por mehorá e kapasidat pa finansiá e sistema.
Logronan deseá	Resultadonan i rekomendashonnan a base di kua por desaroyá i implementá proposishonnan pa medidanan.
Kondishonnan, koheshon i/òf dependensia	Promové e karakter di aktivashon di e sistema sosial direktamente ta toka medida E1 (maneho di merkado laboral). Opshonnan pa hasi e AOV mas duradero tambe ta toka ku medida E5, tokante subida di e edat ku hende tin derecho riba penshun.
Planifikashon	Pa e fase di investigashon, e orario di kua por varia pa kada parti, ta boga pa saka vários luna i pa den e promé mitar di 2022 prepará toma di desishon tokante medidanan konkreto. Den esei tambe por papia di un mapa di ruta i/òf menú di eskoho. For di e di dos mitar di 2022 lo mester implementá e promé medidanan. Na 2021 lo start ku preparashon di maneho pa loke ta trata e medidanan riba término kòrtiku ku mira riba e situashon prekario di un kantidat di fondo (AOV/ AWW, BVZ i AVBZ).